



Broj: UP09-07-1-1925/23
Sarajevo, 22.09.2023. godine

Ministarstvo pravde Bosne i Hercegovine, rješavajući zahtjev Samostalnog sindikata državnih službenika i zaposlenika u Upravi za indirektno oporezivanje Bosne i Hercegovine, sa sjedištem u Banja Luci, ulica Bana Lazarevića broj bb, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine („Službeni glasnik BiH“, br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija („Službeni glasnik BiH“, broj 44/10 i 14/12), donosi

RJEŠENJE

1. U Registru udruženja Ministarstva pravde Bosne i Hercegovine, kod Samostalnog sindikata državnih službenika i zaposlenika u Upravi za indirektno oporezivanje Bosne i Hercegovine (*u daljem tekstu: Sindikat*), sa sjedištem u Banja Luci, ulica Bana Lazarevića broj bb, upisanog pod registarskim brojem: RU-658, knjiga I Registra, dana 30.01.2008. godine, upisuju se promjene, kako slijedi:
 - 1.1 Lice ovlašteno za zastupanje Sindikata je:
Predrag Jelača, predsjednik Sindikata.
 - 1.2 Imenovanje Upravnog odbora Sindikata.
 - 1.3 Imenovanje Nadzornog odbora Sindikata.
 - 1.4 Imenovanje predsjednika Skupštine Sindikata.
2. Ostali upisi u Registru udruženja kod Sindikata, ostaju neizmjenjeni.
3. Ovo Rješenje će se objaviti u „Službenom glasniku BiH“, o trošku podnosioca zahtjeva.

Obrazloženje

Samostalni sindikat državnih službenika i zaposlenika u Upravi za indirektno oporezivanje Bosne i Hercegovine, sa sjedištem u Banja Luci, ulica Bana Lazarevića broj bb, upisano je u Registar udruženja kod Ministarstva pravde Bosne i Hercegovine, pod registarskim brojem: RU-658, knjiga I Registra, dana 30.01.2008. godine.

Podnosilac Zahtjeva je dana 20.07.2023. godine podnio Zahtjev za upis promjena u Registru udruženja ovog Ministarstva.

U toku postupka Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti upis promjena u Registru udruženja. Ministarstvo je aktom Broj: UP09-07-1-1925/23 od 09.08.2023. godine zatražilo ispravku i dopunu zahtjeva.

Udruženje je podneskom od 05.09.2023. godine izvršilo izmjene i dopune zahtjeva, te uz Zahtjev priložilo slijedeću dokumentaciju: Spisak delegata članova Izborne skupštine održane 15.07.2023. godine; Odluku, broj: SU-10/1-52/23 od 15.07.2023. godine; Odluku, broj: RC BL-10/1-52/23 od 15.07.2023. godine; Odluku, broj: RC TU-10/1-52/23 od 15.07.2023. godine; Odluku, broj: RC SA-10/1-52/23 od 15.07.2023. godine; Odluku, broj: RC MO-10/1-52/23 od 15.07.2023. godine; Zapisnik sa Izborne skupštine Sindikata, broj: 10/1-52-1/23 od 15.07.2023. godine; Odluku o razrješenju i imenovanju organa Sindikata, broj: 10/1-52-2/23 od 15.07.2023. godine; fotokopiju lične karte i vlastoručni potpis imenovanog lica ovlaštenog za zastupanje Sindikata, ovjerene od nadležnog organa, te dokaz o uplati administrativne takse.

Uvidom u priloženu dokumentaciju utvrđeno je da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja, stoga je riješeno kao u dispozitivu.

Na ovo Rješenje naplaćena je administrativna taksa u iznosu od 50,00 KM u skladu sa TAR.Brojem 108. Odluke o dopuni tarife administrativnih taksi, („Službeni glasnik BiH“ broj: 73/17).

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



Dostavljeno:

- Samostalni sindikat državnih službenika i zaposlenika u Upravi za indirektno oporezivanje Bosne i Hercegovine, ulica Bana Lazarevića broj 66, 78 000 BANJA LUKA;
- Zbirka isprava;
- JP NIO "Službeni list BiH".